

cossa di Pexari, con sier Marin Morexini, fo ai 3 savij, perhò che sier Zuan Corner, avogador, à intro-messo, et sier Zuam Badoer, dottor, cavalier, qual non fo im pregadi. Et parlò sier Francesco da cha' da Pexaro, *quondam* sier Marco, nepote fo dil zeneral, longamente, zercha horre 6, et ben; et per esser l' hora tarda fo rimesso a diman.

In questo zorno, in do quarantie, fo laudà certa sententia, fata per sier Alvixe Gradenigo, *olim* oficial a le raxon nuove, contra sier Antonio Condolmer, *olim* synico in Cyprì. Fo disputata tre conseglij: ave 2 non sinceri, 28 taja, 38 bona. Monta dita sententia zercha ducati 170, *ut in sententia*.

A dì 6. Fo *etiam* pregadi, per l'avogaria. Parlò sier Marin Morexini sopra nominato, in risposta di sier Francesco da Pexaro, qual justificò assa' ben le cosse l'horo; et non compì per l' hora tarda. Steteno fino zercha horre 4 di note; rimesso a uno altro consejo.

Fo il perdom di colpa e di pena a Santa Maria *Mater Domini*, per il fabrichar di la chiezia. *Item*, a San Domenego.

A dì 7. Fo gran consejo. Et fato eletion di capitano im Barbaria et Aqua Morte, et niun non passò.

A dì 8. Fono, la matina, lettere di Franza, di gran importantia. Et l' orator di Franza fo a la Signoria, a notificar certo la venuta di la christianissima majestà a Milan; et *alia etc.*

Da poi disnar fo pregadi. Fo lettere di Franza et di Milan. Di Franza, da Burges, secretissime. Et di Milan, come era stà fato una crida: chi havea roba o danari di zenoesi popolari se venisseno apresenter a dar in nota, *sub pœna etc.*; et che erano venuti a darsi in nota per zercha ducati 50 milia, parte al presente, parte a termini. *Item*, che quel Simon Arigon non era ancora expedito, e stava retenuto in castello; et si preparava a l' impresa contra zenoe-si *etc.*, *ut in litteris*.

Fu posto, per li savij, che sier Alvixe Soranzo, *quondam* sier Beneto, qual se li rupe la sua nave, zoè brusò, qui in canal di San Marco, che justa la parte per il don, li sia dato certa quantità a li camerlengi, *prout in ea*; e fu presa.

Fu chiamato consejo di X, con la zonta e li savij, per averzer certa materia, o ver letera, al pregadi; ma manchono 4 dil consejo di X, et non se reduseno, sì che 0 feno. Et fo fato scurtinio di baylo a Constantinopoli, et niun non passò, sarà qui soto anotado; et fo ballotà, che li papalisti non erano im pregadi.

È da saper, da Rimano vidi una letera di sier Domenego Malipiero, provedador di Romagna, qual era andato ivi, dove è podestà et capitano sier Zuam Gritti. Come papa Julio a di 3, a mezo zorno, era zonto a Urbin con cardinali, et *etiam* il ducha di Urbino *etc.*; poi va a Roma.

Scurtinio di baylo a Constantinopoli;
niun non passò.

11

Sier Antonio Bon, fo provedador in Albania, <i>quondam</i> sier Fantim,	44.123
Sier Zuam Antonio Morexini, <i>quondam</i> sier Nicolò,	43.120
Sier Francesco Zigogna, fo di pregadi, <i>quondam</i> sier Marco,	72. 96
Sier Hironimo Pizamano, è provedador sopra le pompe, <i>quondam</i> sier Francesco,	47.122
Sier Hironimo Zorzi, fo soracomito, <i>quondam</i> sier Andrea,	48.118
Sier Lorenzo Loredam, fo soracomito, <i>quondam</i> sier Piero,	45.117
Sier Marin da Molin, fo podestà e capitano a Civald, <i>quondam</i> sier Giacomo,	67. 97
Sier Marco Gradenigo, fo soracomito, <i>quondam</i> sier Justo,	28.138
Sier Francesco Querini, fo ai 3 savij, <i>quondam</i> sier Hironimo,	62.104
Sier Zuam Vituri, fo soracomito, <i>quondam</i> sier Daniel,	29.140
Sier Pollo Valaresso, fo retor e provedador a Napoli di Romania, <i>quondam</i> sier Gabriel,	72. 92
Sier Alexandro Viaro, <i>quondam</i> sier Lucha,	49.119
Sier Lorenzo Minio, <i>quondam</i> sier Almorò,	32.134
Sier Alvixe Corner, <i>quondam</i> sier Donado, <i>quondam</i> sier Giacomo,	66. 97
Sier Lorenzo Dolfim, fo ai X officij, <i>quondam</i> sier Zuanne,	62. 96
Sier Andrea di Prioli, <i>quondam</i> sier Marco, <i>quondam</i> sier Zuan, procurator,	77. 84
Sier Pollo Trivixam, el cavalier, fo provedador a Sallò, di sier Baldisera,	47.104

A dì 9 marzo. La matina si parti sier Zuan Badoer, dottor et cavalier, va orator al papa; et anderà per la via di Rimano, dove sier Domenego Pizani, el cavalier, à lassato li soi cavalli, et si aspetta di hōrra in hōrra; el qual intrerà avogador di comun, in loco di sier Zuam Badoer sopraditto.